

A dramatic painting of a man with white hair and a beard, wearing a blue robe, standing on a rocky ledge. He is looking up towards a bright, glowing light source in a canyon. The scene is filled with large, reddish-brown rock formations and a bright, hazy atmosphere. The text "FAAMOLEMOLE, FAAALI MAI IA TE A'U LOU MAMALU" is written in a stylized, outlined font in the upper right corner.

**"FAAMOLEMOLE,
FAAALI MAI IA
TE A'U LOU
MAMALU"**

Lesona 12, Setema 20, 2025



“Ua afio ane foi Ieova i ona luma, ma na ta’u mai, O Ieova, o Ieova, o le Atua alofa mutimutivale ma le alofa fua, e telegese Lona toasa, ae tele le alofa ma le faamaoni; o Le tausilalo alofa e oo atu i afe o tupulaga; o Le faamagalo foi i le amioletonu ma le solitulafono ma le agasala, ae le faasaoina lava e Ia o e agasala; ae tau atu e Ia le agasala a matua i a latou fanau, e oo i le tolu ma le fa o tupulaga.’ ”


Esoto 34:6,7

E leai se masalosalo e uiga i lea mea. O le Atua ma Mose o le uo mamae i la'ua

E lei tupu i se po se tasi lenei mea. O se mafutaga sa faifai malie mai. Na amata mai i ona uluai tausaga, ina ua talanoa atu lona tina ia te ia, e uiga i se Atua ofoofogia o loo ia auauna atu i ai

Na faamalosia le la'ua faigauo i le tele o feiloaiga eseese sa la feutagai ai i luga o le Mauga o Sinai, ma sa faaauau pea ona tuputupu a'e se'ia oo i le aso na valaauina ai e le Atua Mose ia malolo

I le Esoto 33-34 o loo faamauina ai ni taimi faapitoa o le malosi o lenei mafutaga: Na talosaga atu ai Mose e fia vaai i le mamalu o le Atua.



O le Atua ma Mose:

 **Feiloai ma le Atua i le fale'ie (Esoto 33:7-11)**

 **Ia iloa atili le Atua (Esoto 33:12-17)**



O le Mamalu o le Atua:

 **Faanaunauga ia iloa le mamalu o le Atua (Esoto 33:18-23)**

 **O le Faaaliga o le mamalu o le Atua (Esoto 34:1-28)**


 **Taunuuga o le vaai i le mamalu o le Atua (Esoto 34:29-35)**

O LE ATUA MA
MOSE

FEILOA'I MA LE ATUA I LE FALE'IE

Ua ulu atu Mose i le faleie, ona ifoifo ai lea o le ao faaniutu, ua tu foi i le faitotoa o le faleie; ona fetalai mai lea o IEOVA ia Mose" (Esoto 33:9)

Sa feiloai Mose ma le Atua i le falefetafai, na ia talanoa atu ai faafesagai ma ia (Esoto 33:7-11).



O se mea e faamanino: O lea faaupuga "faafesaga'i" e le'o faatatau e faapea na la feva'aia'i i le tino, ae nai lo lea, sa felata'i lelei le la talanoaga (e ui lava e le'i vaai Mose i fofoga o le Atua). Na'o Lona siufofoga lava ma faatusa vaaia.

Na avea Mose ma se auauna faamaoni a le Atua (Eperu 3:5), o se moli e le matineia i le pogisa, ma o se perofeta faatuatuaina ma lē fefe e talanoa atu i le Atua i ni manaoga mo le nuu, e alofa ma faamaoni.

Na faasolosolo lava ina mausali le mafutaga a le Atua ma Mose



Na faaosofia e le Atua Mose e tusia lopus ma le Kenese



Na valaauina o ia e le Atua mai le laau talatala na mu



Na vaai Mose i le faatoilaloina e le Atua o atua o Aikupito



Na ia molimau i le valuaina o le Sami Ulaula e faasa'oloto ai Israelu



Na ia vaavaai ao taitaiina atu e le Atua Israelu i Sinai



Sa latou nonofo faatasi mo aso atoatoa e 40 i luga o le mauga



Sa faaauau pea ona tuputupu a'e le la mafutaga i aso uma

IA ILOA ATILI LE ATUA

“O lenei, afai ua alofagia a’u e Oe, ia e faailoa mai ia te a’u Lou ala, ina ia ou iloa Oe, ina ia alofagia a’u e Oe, ma ia E manatu o Ou tagata le nuu nei.” (Esoto 33:13)

Ina ua ta’u atu e le Atua ia Mose o le a latou le o faatasi ma le nuu i Kanana (Esoto 33:1-3), ona sosoo ai lea ma se talanoaga mafana a Mose ma le Atua (Esoto 33:12-17):

Atua > O oe lava o lau uo, ua alofagia oe e A’u

Mose > Afai e moni lava, ia e faailoa mai ia te a’u Lou ala, ina ia ou iloa ai Oe

Atua > Ou te afio faatasi lava ma oe; Ou te avatua foi ia te oe le malologa

Mose > Pe afai ta te le Afio atu ma Oe, ‘aia le aveina a’e i matou nai le mea nei

Mose > Pe afai E te le afio faatasi ma i matou; o le a faapefea ona matou iloa ua i a’i matou Lou fiafia?

Atua > Ua lelei, Ou te faia lava, aua ua alofagia oe e A’u; Ou te manatu foi ia te oe o La’u uo.

Na faaalu e Mose aso e 40 e faatasi ai ma le Atua, na tuuina atu i ai o Poloaga e Sefulu ma faatonuga mo le fausiaina o le falefetafai. O lenei ua toe i ai foi o ia i luma o le Atua, e faatoga atu mo le nuu. E foliga mai na te iloa lelei le Atua, ona o le auala na ia talanoa atu ai ia te ia e masani lelei. O le a la se uiga na manaomia ai lona iloa o ia? (Esoto 33:13)? O le a foi se uiga e manaomia ai ona tatou iloa o ia?



O LE MAMALU O
LE ATUA

O SE FAANAUNAUGA IA ILOA LE MAMALU O LE ATUA

“Ona fai atu lea o Mose, ‘Ia E faaali mai ia te a’u Lou mamalu.’ ” (Esoto 33:18)



Na ole atu Mose: Faaali mai ia te a’u Lou mamalu (Esoto 33:18)



Tali le Atua: Ou te faauai atu Lo’u lelei uma i ou luma (Esoto 33:19)



O le mea na faaali atu e le Atua ia te ia, o Lana amio lea (Esoto 34:6-7)



O le mamalu
o le Atua o
Lona agalelei
lea, o Lana
amio foi lea

Na faaopopo mai Elena Uaita e uiga i le mamalu o le Atua e aofia ai le faamalosia o Lana fanau; opogi mai tagata agasala ua salamo; ma saunia mea uma e tatau ai mo lo latou suiga ma se faafouina

O lea la, o lo tatou “mamalu” e ao ona atagia mai ai le mamalu o le Atua i o tatou olaga (2Korinito 1:12; 3:18).

Pe a tatou vaai atu i le Satauro, ua i ai tatou le faaaliga silisili o le mamalu o le Atua, o Lona agalelei, ma Lana amio.

O LE FAAALIGA O LE MAMALU O LE ATUA

"Ua afio ane foi Ieova i ona luma, ma na ta'u mai, "O IEOVA, O IEOVA, o le Atua alofa mutimutivale ma le alofa fua, e telegese Lona toasa, ae tele le alofa ma le faamaoni' " (Esoto 34:6)

Na faaali e le Atua ia Mose Lona mamalu i le lona faafitu o taimi na ia alu a'e ai i le Mauga o Sinai. O a taimi ae o le a foi se mafuaaga na faaali atu ai e Mose ia lava i luma o le Atua?

- 1 Ina ia maua faavae o le feagaiga (Esoto 19:3-7)**
- 2 Ina ia tuuina atu le tali a le nuu ma 'ia maua mai faatonuga e ala i foliga vaaia na faaalia mai i Sinai (Esoto 19:8-14)**
- 3 Ia talia ni faatonuga fou (Esoto 19:20-25)**
- 4 Ia talia tulafono tau tiute tauave (Esoto 20:21; 24:3)**
- 5 Ia talia Tulafono e Sefulu na tusia i aao o le Atua, ma le ata o le Malumalu (Esoto 24:12, 18; 32:15)**
- 6 Ia faatoga atu mo le agasala a le tamai povi auro (Esoto 32:30)**
- 7 Ina ia mafai ona faaali mai e le Atua ia te ia Lona mamalu, ma talia papamaa fou ua i ai Poloaga e Sefulu (Esoto 34:1-5)**



O le faaaliga o le mamalu o le Atua na faamaonia o se faalauiloaina a le tagata lava ia o amio a le Atua (Esoto 34:6-7). O lenei vaaiga o le alofa o le Atua, na ifo atu ai Mose (Esoto 34:8; 1Ioane 4:19). Mulimuli ane, na toe faamautuina e le Atua Lana feagaiga ma Israelu ma faamagalo le mea na tupu i le tamai povi auro

O LE TAUNUUGA I LE VAAI ATU I LE MAMALU O LE ATUA

**“Ua oo ina alu ifo Mose nai le mauga o Sinai ma papa e lua o le tulafono i le lima o Mose, na alu ifo o ia nai le mauga, e lei iloa e Mose ua pupula le paū o ona fofoga, a'o fetala'i i la'ua ma Ia”
(Esoto 34:29)**



Na talanoa Mose ma le Atua “faafesaga’i” i le tele o taimi muamua, ma seia oo mai i lena taimi, e lei pupula lava ona fofoga faapea. O le a se mea na suia i lea taimi? Na matauina le tumau pea o lea suiga mo se taimi umi (Esoto 34:34-35).

O lea ua sili atu ona iloa e Mose o le Atua. Ua faafualoa la la’ua faigauo. Ua ia manatunatu i le mamalu o le Atua, ma na liua ai o ia e ala i lea lava mamalu.

I le toe ta’ua o lenei mea na tupu, o loo valaaulia ai i tatou e Paulo ia faaa’oa’o ia Mose ma ia manatunatu i le mamalu o le Atua ia liua ai e faapei o ia (2Korinito 3:12-18).

O Mose o se faaa’oa’oga e faaalua ai le mea e mafai e le Atua ona faia mo i tatou, pe a tatou faatagaina o ia e liua o tatou amio ma faia i tatou i Lona faatusa paia



“E te manatu na aoa’iina e le Atua Mose i ona manatu? E leai lava. E lei faia e Mose lenei talosaga ona o le fia iloa e aunoa ma se mafuaaga. Sa ia vaai atu i se mea e tatau ona fai. Na ia vaaia le lē mafai e lona lava malosi ona ia faia le galuega a le Atua. Na ia iloa pe afai e mafai ona ia maua se vaaiga manino o le mamalu o le Atua, o le a mafai ai ona ia agai i luma mo lana misiona taua, e le ona o lona lava malosi, ae o le malosi o le Alii le Atua Silisiliese. Na tosina atu lona loto atoa i le Atua; ma naunau i lona fia iloa atili o Ia, ina ia mafai ona ia lagonaina le latalata o le faatasi mai o le lagi i ni faalavelave faafuasei uma poo taimi o le fememea’i. E le o se manatu faapito na taitaiina atu ai Mose e ole atu mo se vaaiga o le mamalu o le Atua. E na o le tasi lava lona faanaunauga ia sili atu le faamamaluina o Le na faia ma foafoaina mea uma”